



韓江雅集卷五

南莊野眺用東坡書王定國所藏煙江疊嶂圖  
韻

馬曰琯

挿天青柳高於山一縷雲白縈炊煙人家大半在村落  
平疇彌望心曠然此地港汊通江潮有信支流直接中  
泠泉到處五畝十畝竹清陰團色疑斜川遙峯翠影盡  
呈露金焦兩點當我前恨不拏舟向空際風帆沙鳥浮  
江天網師舉網得箭脊貫以柳葉鮮且妍買魚沽酒食  
罷坐池上菱絲裊之荷田之君不見分秧苦晴麥苦雨

農夫力田稀逢年近聞連枷聲拍々遠見棟子花娟々  
小橋流水夕陽下閒童曲肱跨犢眠橫幅大年無乃是  
携手不羨飛行仙山光寺鐘殷々發塵襟喚醒區中緣  
直欲冥心狎鷗鳥延緣葦間一誦南華秋水篇

王藻

淮南求點共一山南莊卜築臨江烟林深地僻雞犬靜  
有若武陵仇池然漁村牧舍遠近相映帶肥為土壤甘  
為泉繡錯來牟黃被畝綿芊高柳綠抱川櫻笋採從庭  
廡下魚蝦買自闌檻前不暖不寒浴繭候乍晴乍雨蒸  
梅天茲晨延眺頓忘邊風光滿眼皆生妍試問古今勝

地孰可擬上河之波下溪田又試問古來盛時誰得似  
永和之歲泰和年以觴以詠最瀟灑有竹有石皆嫵媚  
興酣放艇溯洲渚江岫一一如蠶眠宵來襍被此同宿  
幽夢恍亦隨水仙風裳月珮欲飄舉葦間恣我相延緣  
覺時清境恐難記速命濡毫拈韻寫作急就篇

馬曰璐

屋頭鳥聲呼紫山農家午飯生林煙竹輿十里度流水  
柴門抱杖心悠然千頃萬頃到眼麥隴秀黃穰幾日充  
園泉只愁雨晴雲復暗低田汙下連通川此去江南片  
帆耳環洲斷淑踈籬前雲開五州山入戶水分八港波

黏天迎潮有曲試驗取鷗巢魚箔無媿妍縱然弗獲身  
落山水窟圃吾之圃田吾田君不見南舍中廬屢遷徙  
南鄰黃氏  
園近易主一枝詎必謀他年書蟲老柳已禿鬣駢頭穉  
筍欣婢娟竟湏作苦牛十角誰能結束蠶三眠詩壇勝  
侶稱好事邀我食字希升仙天隨耒耜吾有取亢倉農  
道吾有緣亢倉子有  
農道篇筆床硯具卷還客煩君申紙為吾  
題作南莊篇

閔華

村深境靜疑空山夕陽淡々浮炊煙平橋野水隄柳下  
臨風獨立心灑然此時郊原放眼一空濶但聞瀝々鳴

流泉東臯黃雲被麦隴中有一道清泠川遙々墟落似  
圖畫歸人在後牛居前斜通薔薇港口路直接木樨林  
外天西疇人家最幽處連町翠篠修而妍雖異江陵千  
頭木奴橘却勝笠澤通江田更壯望七十二洲々外影  
縈藍繚白仍年々樹杪匹練江淼々屋角寸戟山娟々  
或來或往漁艇過三點兩點沙鷗眠夜闌清景入夢寐  
彷彿一枕身遊仙求田問舍且姑置賦詩飲酒須作緣  
詰朝盟罷不暇懶共咏南莊水竹之居池上篇

陸鍾輝

南村地僻如深山垂楊繞屋籠輕煙犬迎宿客雞唱午

坐來令我神翛然靜聞平階一道響琴筑潮痕健走同  
奔泉近村數武達江滙貯為十畝清泠川魚隊堂之戲  
蘋末蛙聲閣之喧隄前縹緲雲峯碧迎曉迷濛薺樹青  
浮天鶯聲啼老棟花落清和景物猶爭妍門外笑歌聲  
裏打麥響黃雲一片翻平田君不見前歲積靈江大漲  
丁男中婦悲荒年此地曾為魚鱗窟今喜竹木重幽娟  
綠針透水秧欲插日出而作夜則眠瓦盆濁酒即醉倒  
含哺鼓腹真神仙我欲誅茆作鄰比拏舟葦際相夤緣  
量晴較雨共田叟與君偕讀記勝之書凡幾篇

張四科

冒雨不憚來看山籃輿十里衝朝煙村途漸僻漸褰霽  
浮雲飛盡山蒼然望中平橋高柳宛圖畫軒窓窈窕開  
林泉樹頭變滅見嵐翠屋角潮汐通清川菰汀蘆渚忽  
斷處大江一抹橫其前方罨縱橫布近隴聚落遠近分  
遙天熙之婦子自笑語閑之花竹皆幽妍平生浮湛作  
達摠無謂盍若負未來力田君不見割麥插禾鳥聲好  
黃雲溢野欣有年此間氣候極古淡宵來月色應婵娟  
未携襜被共假宿曉枕又負聽鶯眠信知閑居即物外  
虛無何必求神仙徘徊送目那忍去數椽擬結清淨緣  
况有南村素心侶定應為我援筆一賦招隱篇

分詠揚州古蹟

胡期恒得雲山閣

皇天不祚宋厄運逢陽九奸臣秉國鈞南渡安能守維揚實要區控制江淮口督師非丈人焉得吉无咎想其建節時閑情寄詩酒傑閣起城隅軍營繞花柳一朝強敵至殺戮到雞狗掩敗以為功倉皇渡江走東南半壁天竟為何人有得失一小兒易於反覆手偉哉鄭虎臣殺賊膽如斗至今木綿菴惡名餘不朽北郭小金山閣毀但重阜流傳凡幾姓不復知誰某回思五百年真同駒過牖萬古一長嗟騷人枉搔首

唐建中得淳于芬宅

浮生皆若夢逐羶盡如蟻誰真夢乘車親入鼠穴裏得意向南柯古有淳于子醒來說與人尋思心應喜同時李公佐游戲續稗史蓋以喚庸之君輩亦如此那知片晌榮千年傳邑里至今廣陵郭過者長徒倚沿村覓古槐為問何株是乃知癡人心但解誇金紫妖夢猶津之大夢可知矣何怪夢中人漏盡猶不止

程夢星得康山

城南一坏土高不滿百尺徒以康武功得名傳往跡裙伎擅風流琵琶自彈摘榮辱非所計賓從慰岑寂急難

友朋情異代生感激至今董華亭大書作堂額勝地曾  
幾時棟宇半傾側竊喜不數武下有幽人宅暇日常共  
登每怪門徑窄江山亦笑人懷古空太息安得挈同心  
榛荆為重關

馬曰琯得水亭

作亭始獨孤亭孤境清冷佳月啓冰奩微風泛煙艇延  
及淮南徐偵楊欲移鼎夜引宋齊邱畫灰旋滅影同此  
水一泓機智各相騁當其宴眾賓寒漪光罔々如何蓄  
深謀心兵凜蠅龟亭今迄無存淒迷誰復省

厲鶚得秋聲館

鐵牛入宋初頭銜祗翰苑奉使下南天蘆碧汀洲晚水  
村何人居風葉梢々偃聲翻六月秋江吞萬里遠署書  
知雅士惜與漁兄混柰何諭強藩不盡王臣蹇情昵社  
娘歌任社娘傳見沈遠雲巢編語隱公廚飯金鑿否人在陶穀自號金鑿否人  
空畫葫蘆本不如此棲遲賓鴻識肥遯

王藻得木蘭院

輦奩示無羹晨炊乃蓐食英雄失路時一飽不易得八  
郎唐宰相飢困傍禪域杜亞且肉眼闍黎豈能識悲來  
為賦詩感憤僧墻墨訖乎領節使利漕浚溝洫雖曰非  
純臣功亦不可匿坡公恣譏嘲戲語未為寔我今覓遺

韓江雅集卷之六  
踪古寺浮山側木蘭已無樹石塔銘亦泐紗籠安在哉  
壞壁染苔色惟有齋鐘聲千載猶未息

方士處得玉勾井

后土夫人祠表跡始炎漢尚有古井存仙凡此中判止  
水無波濤空亭有巧墁見說賣藥仙曾被世人覩靈異  
標玉勾佳名傳里閑倏若桃花源尋蹤已漫漶由來神  
仙侶随意恣游玩蓬萊方丈山何曾隔凡案金丹不可  
成濁骨無由換井深固依然令人發深歎

馬曰璐得阿師橋

虹梁二十四一一難具求惟有阿師名事以盧李留二

生去已邈仙跡空悠悠北亭侍飲處彷彿聞笙篴不見  
朱字書汨々春波流荒浦帶遠樹斷岸縈遙舟我來一  
憑訪滿目雲天愁導引本無術讀書窮雕鏤草躡布衫  
客還得相遇否徘徊頽陽下新蒲聲颼々朗吟謝朓句  
驚起雙白鷗

陳章得迎仙樓

唐政已不綱阨要仗節度江淮此巨鎮何乃付庸孺不  
思勒景鐘妄誕以為務張呂固小人木腐始生蠹銀筒  
謂易求丹邱通有路縹緲結飛樓滄波跨百步風雲入  
窓櫺日月炫丹素撞鐘吼華鯨焚香鬱煙霧羨門高誓



流拱手異一遇青鳥斷消息木鶴嬾軒翥迎得畢將軍  
哀哉終不悟片椽早飛灰遺基莫知處獨立俯蒼茫一  
誦江東句

閔華得居竹軒

蹟以人故傳人以詩故存不見竹西路昔有居竹軒居  
竹人不俗時作風雅言想當嘯咏處翠色空掩門秋晚  
摘鳳實春深護龍孫流落平生懷消彼竹下尊只今四  
百載事往無留痕但餘好句在剩付詩人論何必淇澳  
盛何必渭川繁緬彼成居士芳名齊謝墩

陸鍾輝得棲靈塔

隋仁壽元年始一統六合下詔建浮圖舍利數盈卅金  
碧炫周遭風雲護蕭颯江山俯七層緇素遠三帟曾聞  
高李輩賦詠若相荅劫火燹唐季土木盡摧拉有客海  
上游空中見飛塔彷彿倚欄僧猶露紫磨衲此事餘千  
年屈指幾夏臘土花劇古基甃甃何雜沓禪門有興廢  
風簷語棲鴿

張四科得偕樂園

柳州曾種柳蘇州乃種藥吳公守揚州植梅滿北郭因  
之啓臺榭寄意非獨樂想見露冕來蕭然伴琴鶴空裏  
玉梢明風中暗香落賓至喜如歸民生欣有托于今二

百年宴游久寂寞探春上高嶺惆悵花如昨

覓句廊晚步

胡期恒

薄暮疎林冑晚煙西廊緩步意翛然此間有句憑君覓  
不待西堂夢阿連  
徒倚閑吟自在身青々綠竹絕纖塵眼前到處供詩本  
信手拈來覺有神

唐建中

墻東曲折度迴廊石丈森々映竹郎粉壁如雲影偏好  
縱無新月有斜陽

覓句虛稱百步廊賢昆义手已成章原來只為邯鄲侶  
撚斷吟髭對夕陽

程夢星

精廬坐雨晨先集山館逢晴晚更過難得君家好兄弟  
尋詩到處有行窩  
六枳編籬竹作扉小廊風細試單衣年來未覺詩情減  
吟盡斜陽不肖歸

馬曰琯

偶因閑客啓疎籬斜日看々影漸移一曲闌干數株樹  
晚風吹動鬢邊絲

安石榴花艷々開琅玕新葉碧於苔無端詩境從空得  
悔却東廊久不來

厲鶚

比日幽尋屢出郊  
鳩來山館燕新巢  
斜陽一抹風廊影  
葵寫圓花竹寫梢  
迤照深々入竹根  
青鞵踏徧舊苔痕  
好詩只在微茫裏  
付與棲禽自在喧

王藻

不到修廊已數旬  
蜀葵花發艷於春  
鷓鴣聲裏尋詩處  
又是風光一番新

衣上清陰似染苔  
竹邊負手幾徘徊  
夕陽收盡天如洗  
待得蒼茫暝色來

陳章

槐陰橘々叩門來  
坐斷斜陽覆酒盃  
一種幽妍圖不就  
護房欲斂蝶飛回  
清風吹鬢引吟魂  
幾曲長廊踏蘚痕  
竹尾捎簷荷背白  
作成涼意是黃昏

閔華

嘉樹陰中步屨遲  
我來何處覓新詩  
曲闌干外斜陽影  
閑倚戎葵一兩枝

一逕竹孫春後大滿林梅子雨中肥晚涼义手行吟處  
驚起長廊野雀飛

張四科

初篁歷々步欄橫一片斜陽瑣碎明蝴蝶不知花事了  
綠陰深處導人行  
好句初圓暝色催涼生雙袖晚風來此間久久行吟跡  
一曲闌干倚一回

五月二日集小玲瓏山館題五毒圖

胡期恒

一陰初生月在五歲時毒節傳端午百蟲掀蟄以類聚

各騁伎倆生寰宇南山白額最雄傑居然四海毛蟲祖  
即且甘帶勢盤屈蝦蟇啖月光吞吐壁蠹辛螫在尾蠱  
守宮便捷任腰膂一時五毒聚艾葉良工圖繪經營苦  
當年大禹脩神姦鑄鼎象物民爭覩畫師畫此亦有意  
秉畀炎火傳自古天心仁愛本生々氣有善惡惟其取  
汝為陰類秉惡氣為猛為毒為虺蠱汝能斂跡勿肆虐  
深藏巖穴誰殺汝投筴我欲告天公慎勿假汝豐毛羽

唐建中

誰畫青々艾一葉中蹲猛席張須鬣旁四毒蟲瞰四隅  
五月五日家々貼云此日月毒莫當一陰初生逢者殃

以毒禦毒役五物能黜百怪致百祥莫貴於人席作糧  
蟾蜍蝕月充飢腸蠃蚌噴電日無光蝎如琵琶誰云良  
百足之蟲死不僵此五物者燮陰陽我笑五物皆陰類  
同稟兩間乖戾氣夜行晝伏長畏人豈有靈爽迴天地  
得無同惡喜相濟羣陰終為陽德累聖人懲之無鉅細  
圖寫嚮明窮其技如禹鑄鼎神姦脩俾民冥行知所避  
不然此日號天中鳴琴解慍來薰風菖蒲浸酒沾唇綠  
石榴作花照眼紅百丈競渡飛神龍一日嬉遊四海同  
而令萬戶懸五毒豈有虞廷旌四凶或云此是女兒節  
五毒何如虺蛇烈女誠製此同稟羹畫向嬌女屏上揭

程夢星

春溫冬寒皆中人胡為以毒歸五月飲食燕安皆損身  
胡為以毒聚五物江南小兒逢天中縷懸長命不絕  
又以紙剪五毒形艾席蠃蚌長尾蝎萬歲蟾蜍百足蟲  
粘以角黍繫門闥丹砂白酒共一盃投之小符若有術  
年之鄉俗只兒嬉豈知此物勝妖孽山君猛烈世所知  
避地差免遭搏齧古倉如錢螫人死寒窟蝕月致天暗  
綏州有氣能吸呼南海潛澁更飛掣維茲五者宮莫窮  
何事繪圖張斗室嗟哉却行白汗流太陽尤酷為口舌  
賦斂剝民甚於蛇不見柳州捕蛇說此生安得清涼境

欲除煩惱苦無訣譬彼天雄雖辛温以毒攻毒之斯滅

馬曰瑄

盛夏毒蟲難鎮遏齧人肌骨嗜人血一毒中人不可醫  
以毒治毒互相殺形模寫出付新裝五月蕭齋玉糝香  
守宮微尾矜緣壁百足夔憐死不僵媚蠹反使天無日  
主簿之蟲竹筒育山君七尺自誇強多少齊人負嵎逐  
草木農師用意深三年艾葉費幽尋禳灾盡化諸蟲毒  
剛卯兵符一樣心五色五聲應較甚南頭北尾猶非醜  
只在靈丹半點存任爾辛螫吾能禁

厲鶚

壁上鈎搖長尾蠶

服虔通俗文蠶長尾曰蠶

守宮善緣供一噪之二

蟲者豈睚眦以氣相制理莫解爬沙脚手鈍不快蟠腹

睥目觀成敗莫上青冥作妖怪空使臣仝下階拜其旁

甘帶有即且蛭雖似汝齧不如鞞人須皮待汝屠

嶺表錄異

蜈蚣大者皮可鞞鼓

戾蟲耽之中央居風林夜嘯百獸祛乃與羣

小為相於得非以人充餌歟是名五毒圖畫俱命儔連

類陰生餘踈簾高館無沮如象形隨俗當被除演雅聊

爾同軒渠

方士庶

錦紋尺幅絕奇古怪石虬松走虺席睥目蝦蟇卷尾蝎

更與即且蠃蚌伍朱明時節懸中堂意在辟邪蓋有取  
吁嗟乎世有蜜在口厥毒陰險深入腑亦有劍在腹厥  
毒鋒刃利于芥人間最毒豈止汝畫工何據都以五

王藻

麟鳳龜龍世罕之紛々蟲豸鍾繁滋螫人之族厥有五  
羽毛鱗角天弗施其一曰蝎亦名蠱無目惟仗尾似錐  
南來入籠嫉主簿北還照壁欣昌黎其一蟾蜍背負癩  
彭亨脹腹形模竒張元逆流友所笑楊戩據榻盜偶窺  
一曰百足或似蚘相憐曾有一足變其一種繁毒稱最  
曰蝮曰虺總曰蛇一為守宮四其足尤工射隙非雨師

歲逢端陽日亭午俗傳此輩潛藏時好事往々圖作畫  
懸之謂當被與祠高館朝來見此幅絹素浮動多生姿  
中有艾葉大如掌得非產自名州蘄葉上蠕々衆蟲聚  
去蛇着席知奚為錦片爛編目如電低首掉尾毛彫々  
蟲無大小毒則一以吞以齧無等差我來讀書悟物理  
陽盛可使陰類衰日月光華旦復旦自然四海無瘡痍

馬曰璐

天水歲時重端午節物猶可稽乾淳三層盒子飾珠翠  
中有毒蟲蟠佚々乾淳歲時記挿食監架不言厥數悉  
剪綵大抵不外螫與辛厥後畫者石樓叟曹棟亭朱竹垞兩先生所

題五毒篇為五毒之篇傳絕倫茲圖籤題出御筆宣和  
張石樓畫

先此禳灾辰五者聿役盡如鬼得無寓啜童蔡臣拖金  
紆紫比令僕赤憤大冠稱搢紳那知真龍畏此属肉如  
肥瓠頭如輪爪牙帖伏欲蠕動奮猛一之慚斑寅已為  
蠱尾欲令國何怪致蠹殘人民游氛散盡七百載令人  
畏惡能逼真赤日當空且莫論蒲絲艾葉傾逡巡

酒名

陳章

五毒之圖阿誰筆展向明窓人股栗四蟲各自矜爪尾  
中立斑斕帟挾乙目光墮地兩炬然樹偃腥風乘晝出  
婪酣大肚不自諒怒氣橫前欲唐突螂蛆巧解避蝸涎

蜥蜴善緣風雨疾蝎形琵琶最可憎其後垂芒挾斧鑕  
向者分明欲相濟背者陰懷頗堪怵丹青活脫妙入神  
醜狀瘳情俱不失未知粉本始何時端午人家懸一律  
將毋禹鼎象神姦要使遭逢防狡獪我生疾惡見之怒  
么麼諸蟲只一瞥吃哮當路豈汝容東海赤刃乞神術

閔華

虫類有毒人能知或憑佞鬼牙爪施或矜脉之緣壁竒  
或歷萬歲成肉芝或恃百足行不遲或暗伺螫人膚肌  
是圖作者始阿誰舉俗獨懸重午時人生身體五毒隨  
此則可避彼則遺五色蔽目何陸離五音悅耳神紛馳



五味適口傷肝脾宴安之毒良在茲若蠢之輩奚能為  
展畫一笑題新詩小筵蒲酒方滿卮

陸鍾輝

佳節天中五月午穰毒家之艾懸戶好奇誰寫五毒圖  
以意作之事亦古蠃蚌與蠱毒在尾蜈蚣飛天疾如雨  
蟾蜍有疥類齊侯背上丹書肪莫取中間於菟獨負蝟  
似與么麼作儔伍東海黃公猶夜行誰殼南山大黃弩  
世間毒物最紛紜寫其尤者乃有五灑灰貫齒紀周官  
聚族猶傳四蟲蠱泛蒲覓句且掀髯世上螺蛉何足數

張四科

世間諸毒紛無算憑生母乃造物變誰寫五蟲上東絹  
恠醜猙獰俱所憚善噬善螫用則判蟾蜍爬沙為月難  
鼓怒也應凭軾看膨亨大腹兩目睜蠱尾剥膚在昏晏  
北人却喜照壁見商距搖鬚百足亂辟宮點臂無漫漶  
二虫雖微等可患南山更足彪與虺凡此異類易滋蔓  
畫師胸中有深怨放筆無殊眩人幻錦暉鈿軸聊充玩  
吁嗟乎蟲達封侯安足羨汝輩惟工伺人間百蟲將軍  
眼能辨

詠詩南軒觀荷花聯句

空齋埋盆池水花取近甸根移碧鬚垂屬葉併翠帶宵

汲井鳴轆轤陳章枚泥瀝塗澱排窠密更踈王藻浮莖隱復

見差兩與參三張四科左旋亦右轉氣含湘雨涼鸚鵡綠憶

雪波行時維一陰交章開及高荷先股之沉人釵藻朵

朶江妃鈿金星燦倒涵四科鴉額溼微濺啞影魚口喁鸚鵡

戀香蜻眼眩想像浦淑迴章錯雜菰蒲戰幾點假槩牙

藻千條縈釣線誰共紅蘅騫四科堪同白蘋薦鄭箋接余

存鸚鵡楚些屏風辨南烹識鳧葵章北俗誤人覓物微抱

至潔藻性芳絕自銜清流采之宜四科幽子依之繾踈簾

映明漪鸚鵡小坐送斜眄不足供淨瓶章只可伴吟硯閒

徵爾雅篇藻諷詠共忘倦四科

食鱒魚聯句

海鮮來四月馬曰節物數江臯風借東方便厲潮乘上

信豪郭公啼雨早王藻棟子著花高截水千絲網馬曰緣

流幾葉舫蒼黃惜鱗鬣陳章咫尺失波濤圍之傷同隊閔

喁之憫爾曹脊橫堆翠鈿陸鍾尾帖卧銀刀得雋漁人

喜張四科居奇市價操沙頭貫楊柳曰街口伴櫻桃俊味

河豚嬌鸚鵡芳腴石首逃團臍嘲稻蟹藻犢殼賤車螯指

動何妨滌曰涎流詎歇饕淵材談誤恨章孫勛韻深寢

去乙砧初斫華調辛釜乍轆煮宜加菰筍鍾和不用藺

蒿飽食仍蕭瑟四科嘗新漫鬱陶貢曾同嶺荔曰薦更重

溪毛因軫百金費鶚還停一騎勞此鄉真獨擅藻作客

屢曾叨致遠如藏杭章封題每藉糟爛應愁內潰略曰薨

祇享殘膏腹負誠為累華身謀任所遭撫時將兢渡輝鍾

按酒共離騷剪燭西堂夜科四爭拈險語塵瑄曰

禹鴻臚尚基五瑞圖聯句

天中節物鴻臚筆礪珂歲蕤狀非一華若榴的々開紅

中頰玉軫綴碧葉新鶚屬幾團角黍裹綠箬半尺菖蒲露

青鰲程夢盧橘豉枝真蠟黃胡蒜一拳簾押光陳中央

寘以酒盈甕快讀離騷飲須痛藻王禹生久客在京師寫

此娛賓共解頤馬曰璿柳紛々塵撲面不見飛鳧嬉海

淀方士水鄉風景憶江南微官落拓畫尚堪馬曰宮扇

宮衣那易得差勝殘杯兼冷炙陸鍾圖成聊解楚臣飢

九節克非仙可期華塗林子待秋房滿京口山形符益

算鶚洞庭晚翠花款冬鄉人誰寄輕筠籠星夢錫以嘉名

曰五瑞淋漓醉墨歌斜字章藏弄今歸好事家高齋同

展玉鴉藻濃陰如水雨新霽絡石垂垣搖薜荔瑄曰朋

尊飛送蠻箋裁遠隔東華十丈埃庶士升平行樂逢上日

五毒潛銷百事吉略曰題詩看畫自年々他時佳話應流

傳鍾輝

韓江雅集卷五終

韓江雅集卷六

分詠西湖古蹟送樊榭歸錢唐

胡期恒得放鶴亭

孤山孤絕湖西偏  
山前山後花連天  
高人仙去七百歲  
為問華表歸何年  
君今兩月揚州住  
花事闌珊騎鶴去  
桂子飄香君復來  
莫戀湖山最深處

唐建中得僕夫泉

圓師也智圓得泉因藝竹藝竹之僕真不俗  
誰飲而甘錫  
此名應從詩友林  
君復錢唐歸客今  
林逋侍史還如穎  
士奴劓泉好解相  
如渴我起回樽勸僕夫

程夢星得夢謝亭

謝家舊宅今行菴有客聯吟常再三  
康樂風流繼前代又移清夢歸江南  
記得江干雪初霽一葉扁舟載佳麗  
願君生子似客兒况是阿翁原智慧

馬曰琯得過溪亭

辨才老師住龍井窮年不出風篁嶺  
是誰賺得隔溪來亭下游魚驚過影  
只今亭子竹娟娟五月清陰帶早蟬  
行吟拄杖東歸去想見風流長帽仙

厲鶚得九里松

高下花龕徧巖洞此間不著三公夢  
我來六月賣松風

十里山行九里送諸公他日命吳鞵  
同覓沿流細股釵暫時分手相思處  
還在淮南九里街

王藻得竹閣

裏湖壯畔孤山路高閣憑襟傳太傅  
海山兜率已茫然空剩篔簹翠無數  
竹西亭畔送君行欲畫扁舟一葉輕  
懸知暇日登臨處楊柳櫻桃最繫情

方士處得豐樂樓

官庫樓高四山碧湧金門外餘陳蹟  
脆竹嬌絲半有無衣香髻影成今昔  
先生歸趁一帆風水蒲颺綠渚蓮紅  
湖光如舊樓非舊好把詩筒問酒筒

馬曰璐得龍泓洞

錢唐何處尋逋客家住噴崖溜千尺山空夜靜水龍吟  
想見彈琴倚秋碧思歸奏罷惜離羣君是前身丁隱君  
茅堂問訊今無恙何事相逢只賣文

陸龜蒙丁隱君歌  
前度相逢正賣文

陳章得水仙王廟

當年碧瓦枕寒流想見神歸雨氣收曾有詞人薦秋菊  
空將遺蹟問沙鷗蕭瑟知何處水佩風裳隔煙霧  
青山倒影襯扁舟送君又採蘋花去

日晚水仙祠下去  
青山影裏採蘋花

樊榭舊句也

閔華得馬塍

西城之西北山北爛熳曾為衆香國荒蹊不復見唐花  
碧草空餘天水色送君歸去雨淒淒寸寸新秧插滿畦  
青鞵布襪尋詩處應逐錢王舊馬蹄

陸鍾輝得黃篋樓

浴鵠灣前碧漾空柳絲影裏荷花風先生一棹歸湖上  
只有白鷗盟與同句曲道士已仙去篋樓舊枕青山住  
閑來曳杖訪遺踪水冷雲寒不知處

張四科得葛洪井

葛翁移居架崖穴手鑿寒泉碧於染竹杖當年化一龍  
石匣何時得雙芙蓉今記述邁西京歸卧湖山別我行

何須遠訪丹砂去好聽風篁雪竇聲

書唐人詩集後

胡期恒分得白香山

詩人例窮蹇造物良有意要令昌其詩每使遭困躓坎  
壑以終身輒為飢寒累緬維白侍郎似是天所庇擢第  
貞元中洊復致高位雖暫蹶霜蹄旋展搏風翅入典制  
誥榮出摠藩封寄老拜留司官獲養林泉志亦與楊李  
交不犯朋黨忌青山獨長往白首遺世事放懷詩酒間  
寄情禪悅味長短三千首意勝詞不費諷諭激而質閑  
適淡以肆感傷有深情雜律衆所愛四語皆所其至今

千載下遂以詩名世我昔遊龍門步入香山寺辛丑歲

陽曾瞻

遺像俯視八節灘願結三生契回首二十年出處徒

自媿

唐建中分得杜樊川

詩為言志物性情具可窺不須論其世體格了無疑古  
今同耳食評隲混濁淄萬口誇香艷義山與牧之忘彼  
忠憤言呼作輕蕩兒義山多無題託諷寄微詞美人雜  
香草受謗固其宜小杜詩倔强磊落逞瑰奇詩賦與文  
章兩々若熊羆胡獨於詩品目以香奩為或其少年時  
恃才好遊嬉揚州及湖州出語偶不羈不獨義山說一

首杜秋詩我讀岐公傳牽連書孫枝言自負經緯才畧  
可設施上書論兵事頗為文饒知兩棄清要官皆以弟  
疾辭固知忠孝腸不作兒女癡

程夢星分得李玉溪

嘗讀義山傳徃々為稱寃其才固不羈胡至無行論令  
狐薄世好徒以依茂元應辟從夙契焉得云辜恩遂令  
終幕府萬里疲屢奔樊南瞻文集甲乙今猶存後人復  
耳食列論同西崑坎軻誠有命掩卷哀王孫

馬曰琯分得杜少陵

少日不得志獻賦來咸京中年補拾遺宇內方用兵二

載北征作十口彭衙行豈無獨酌時對酒難為傾有唐  
多詩人孰如公忠誠我今讀公詩霖雨剛初晴晚日照  
窓戶寐歷秋堂清悲公時與地涕淚紛縱橫言々念君  
父字々憐蒼生所以稱詩史獨擅後世名

王藻分得柳柳州

柳州柳刺史崛筆元和擅高名匹退之餘子未能先有  
陶之清真得謝之峭嶠惜為任文浼乃竟獲遐譴南荒  
山水竒一々抉生面厄身昌其詩造化意殊善憂時捕  
蛇說痛世河間傳更具純孝心子立悲捧奠慷慨易播  
州友誼亦可羨一蹶不復振傷哉此英彥



方士虔分得韓昌黎

漢後去聖遠世道日陵夷百氏方爭鳴雜揉紛醇疵有  
唐毓靈秀韓公生此時卓然自樹立聖籍靡不窺論說  
闡性道文章起衰羸舌令席威懾身犯龍鱗批精誠著  
嶺表鱷魚風雨移功業暨文字皇々千載垂謚法良不  
愧斯文其在茲

馬曰璐分得王右丞

摩詰本高人賦性淡以潔不在藝事精聲名動寧薛惜  
哉值喪亂九閻痛喋血宮槐落葉詩艱危見臣節讓弟  
推五長識樂辨三疊禪誦篤暮年山水寄幽絕至今軀

川莊風流說往昔唾咳成珠璣光華永不滅

陳章分得李昌谷

余讀李賀傳復誦李賀詩風雨嘯寒竹如人簾外悲當  
時何偏仄衆醜嫉妍姿嫌名斥一第大鵬兩翅垂後世  
豈乏此感慨頻涕洟奇才多屈首薄技翻揚眉只合居  
空青天神迎赤螭召修玉樓記奎壁隨指麾差較世間  
樂一笑當脫頤披髮下大荒手招韓退之

閔華分得元微之

元和元才子極諫頗著望九歲解賦詩三月曾作相豈  
無少日名惜為晚節喪人生重出處一失百不償彼哉

交宦寺臣道屬無狀第愛新樂府傳播宮中唱何況會  
真記其詞涉流言乃心之聲此言定非妄懿彼白侍  
郎高風千載尚

陸鍾輝分得孟襄陽

有唐多詩人大抵罕韋布我愛孟夫子清詩見貞素寄  
跡庶門山龐公棲隱處本與世情踈悶得酒中趣長安  
訪故人粹與明主遇不誦岳陽篇乃呈北闕句傲兀本  
天然夫豈一時誤失意放還山舊廬早歸去但與竹素  
俱翩然狎鷗鷺五言匹輞川簡淡生妙悟後世起孟亭  
千載有遐慕

張四科分得李青蓮

大雅久不作列仙謫塵寰其人如景星光燄驚愚頑名  
高竹溪逸官綴蛾眉班調羹出御手艷煽逢妖環飄然  
去江海仍著獸錦還永璘彼何人乃欲羈孔鷁無端被  
磷澀竟莫洗垢癥萬里遂長流一身亦多艱豪情何所  
托劍客觴妓間生愛謝家句死葬謝家山女孫適村氓  
遺孤沒草菅青史空流芬展卷清淚潛

分咏行菴秋花

程夢星得玉簪

江南第一花生此蒼苔林知誰季女粧偶然墜瑤簪綠

房闕香澤水蕤餘苦心含情那易吐甘老秋堂陰美人  
將遺余短髮梳不禁而况投簪久搔首焉能任

馬曰瑄得鴈來紅

賓鴻一兩聲西風巧如織幾蕞葉作花添就猩紅色下  
有寒蛩鳴唧唧墻陰側如何冷淡中翻此絢爛極我老  
難更少可有還丹力却對草中仙撫時三太息

陸錫疇得鳳仙花

綠砌冒芳蕤晰莖別紅白秦女吹簫去咳吐留遺迹微  
風動曉涼一扇不盈摘輕勻和露搗纖纖畏葉碧好竝  
一捻紅同霑粉脂澤宵來秋氣深猶足逞顏色

方士虔得朱槿

踈花媚秋林禪闕未蕭索宛彼同車女綽約好顏色顏  
色豈不好難以永朝夕詎因一日榮宵易千歲柏生  
兩石間風花幾狼藉翻笑汝陽王臨風態婉孌

馬曰璐得牽牛

庭前老梅樹玉骨付枯槁綴以牽牛花引蔓及秋曉涼  
稍竹尾垂淡挂籬落好晨鐘未撞時衆草避幽悄洗露  
碧娟娟吹衣風浩浩留賞誠自佳毋為被花惱

菴牽牛清晨始開日出已瘁花雖甚美而不能留賞予  
反其意為梅花地也

閔華得決明

閑階秋雨過野卉紛無數縹葉與緗花娟娟媚朝露細  
碎策蜨翅雜披梳鳳羽釋名為決明品見宣公註我目  
漸生花看花如帶霧却笑讓西翁吟詩怨遲暮

張四科得秋葵

庭堦爛如錦羣卉紛闌干一種黃蜀葵秀色殊可餐葉  
如雞距大花擬金瓊翻暮斂夕陽淡曉開清露溥昨夜  
衆真降踈策遺女冠涼風林薄外獨立悄無言

重九後二日樊榭至自武林同人適有看菊之

集分韻共賦

程夢星得覃韻

是處尋秋手自探采歸宅裏似羅含竹間未闢花三徑

籬外還來酒一甌

西疇饋桂  
一尊

佳詠書屏才隔歲西風吹

帽又停驂須知冷淡人同瘦好共盈頭白雪簪

馬曰琯得佳韻

菊蕊盈枝香霧排陶家清興繞書齋秋花愛寄蕭閒地  
好友能開寂寞懷三徑雨風寧少負一年琴酒不教乖  
峭帆纔落吟情續又比臯亭句子佳

樊榭來時有過臯  
亭臨平諸詠

厲鶚得微韻

年々裨暑悵相違客到剛逢北鴈飛節過樽前猶昔酒  
地偏江外未寒衣論文此意如花淡問歲今番喜稻肥

抑鮓持螯多勝事舊詩記憶是耶非

去年重九前二日亦有此會

王藻得蒸韻

挿架參差錦數層秋堂菊宴興飛騰重陽已展復招客  
三雅乍開還得朋纔罷星餐兼水宿來同棋兩共吟燈  
酒邊握手笑相問何似東西兩馬騰

方士處得歌韻

菊有黃花酒捲波花光人影兩婆娑片帆千里客初至  
一瞬重陽秋又過籬畔漸驚霜氣重尊前莫惜醉顏酡  
相逢笑口仍開處把臂簪香更和歌

馬曰璐得侵韻

景幽風淡晝惜之簾捲秋齋雨一襟滿眼繁英尚初馥  
八脣香蟻少孤斟故人適自湖山至雅調重聯斷續吟  
不是此花無此會花枝人意摠同岑

黃裕得刪韻

籬花高下勢縈環疊作屏風戶牖間十尺遙看霞菊鬱  
千層密砌錦爛斑吟詩客擬柴桑里冒雨人來石甌山  
况有白衣重送酒已過佳節復開顏

陳章得元韻

節後黃花瘦一痕為憐秋老數開尊堂中覓句人如舊  
江上乘潮客到門小雨對燈仍昨歲殘香吹帽憶寒村

羣公可識鄉愁切吳語蟬聯莫厭論

閔華得鹽韻

乍移籬菊淡香黏初卸江帆霽景遲秋雨秋風連日好  
名花名士一時兼新詩別後閑相問小酒燈前笑共拈  
我輩交情同臭味稍遲節物莫教嫌

張四科得寒韻

虛堂文讌足清歡采之籬花露尚溥萬朶好教圍研北  
一帆剛值卸江干蝶愁前日知無數鴈信重來喜未寒  
想得詩成過呂戍短篷秋夢伴漁竿

樊榭九日過呂城  
有懷廣陵同社之

作

題方環山所藏明寧王畫

胡期恒

帝子精翰墨腕底出山川尺幅自結構片紙生雲煙峯  
巒聳峭壁棟宇開平田中有宴坐人高吟手一編緬懷  
下筆時揮灑殊翩之廬山竅高處雲出山之巔每逢雲  
起時囊雲自往還氤氳散室內如在洞壑間以此為笑  
樂意氣如飛仙此樂差不惡絕勝綺與羶雲中時出入  
憂患誰能干

唐建中

鏡湖今海岳手眼兩擅場屋如書畫舫今古慎收藏寶

韓江雅集卷六  
繪三篋富粉墨四壁張我為讀畫至拚作一日忙八門  
嵐翠撲氤氳當中堂松檜森盤挈雲氣何茫之是日天  
微翳忽若雨雪滂問是何人筆乃能變炎涼拭眼辨小  
壘前代寧獻王我聞高帝子餐雲如稻梁日遣匡廬使  
收雲滿革囊放之雲齋內飄渺看翱翔有時磅礴起解  
衣師飛搶菴山之欲動貼水之生光當其圖此日無乃  
在南昌請看尺幅際變黷蒼蒼之何怪挂君屋不受帷  
幕障他樂不敢請移床卧其旁恐是廬山影五老相頡  
頏更聽瀑布響非獨雲可望君言君休矣且起引一觴  
明朝請臨此送君光文房

程夢星

環山擅畫理墨妙罔弗搜中有寧王筆松桂森高秋偶  
爾挂東室但覺煙光浮王昔遷南昌韜晦崇清修攝雲  
廬阜上鼓琴緱嶺頭坐卧在巖壑彷彿神仙儔譬若王  
子晉揮袖雲雪收以茲自寫照尺幅窮深幽主人不羈  
士堪與臞仙侔面壁日晤對何異匡山遊

馬曰琯

畫師擅佳名大半在巖壑煙霞恣嘯傲泉石供芒屨探  
收尺幅中墨色多淡著有明寧獻王志在帝王畧當其  
捷金川夫豈甘寂寞一朝藩豫章豪氣頓非昨讀書松

韓江雅集卷六  
十二  
檜巔囊雲廬阜脚此圖寫真境下筆殊落々挂君之書  
齋氤氳涵簾幕君家六法精近代都鏡削而獨取茲圖  
命意貴澹薄謂非內醞釀鮮不外熏灼少年縱功名終  
老侶猿鶴畫乃餘事耳於焉見寄托

厲鶚

寒齋延明曦辟訝數峯接其下松檜陰闔水穿石摺岩  
扉中有人停琴展幽牒侍立雙玉童空翠衫袖裒我疑  
盧鴻一期仙磴可躡諦視出寧藩珍重墨林笈高皇十  
七子龍種何蹀躞晚年期冲舉自抑金川捷倖非七國  
敗思與八公揖此圖寄意耳深蘿神隱愜渾如匡廬雲

尚裊草堂頰太息南昌城空宮填落葉

方士庶

朝暮望雲氣畫山之網緼寧王遷南昌日與廬山親囊  
雲恣幻想遂着雲頭皴吮豪對五老逸氣凌湖濱功成  
厭華屋老邁憐芳辰琴書松桂間韜晦兼養真細泉鳴  
咽流高峯突兀伸百年無限意曲筆傳心神范々西江  
水繪事留千春

王藻

高齋巨幅懸宛覩囊雲縷審視皴皴工名貴氣罕伍巖  
巒列如屏松檜鬱若廡林中着草堂有客琴獨撫此圖



寧王為藏自墨林父上有朱印鈐珍重出御府遠左昔  
剖珪靖難成肺腑末乃從豫章學仙慕冲舉雲齋境幽  
清西山對南浦游藝托丹山翰墨妙如許應與畫蝶人  
風流映今古太息四葉孫覬覦失茅土想見國除時鈿  
軸散如雨

馬曰璐

高皇廿六子臞仙實領袖風華絕人羣神姿挺天秀晚  
年托羣籍藝事亦時就佳哉尺幅中煙液割廬阜松明  
五老竒屏列九疊皴英々三素雲彷彿收巖竇當時結  
精廬已在從封後采芝慕冲舉埋照忘華胄以此繩檢

餘舊封保錯繡如何歷五葉覆巢無遺殼信惟象賢難  
未盡貽謀謬對畫發遙慨霜風響寒晝

陳章

臞仙愛囊雲霄次神雲活有時勃然興豪翰寄塗抹此  
幅追宋元刻畫到毛髮戍削疊峯巒蔽虧隱松枯茅堂  
中有人端居意軒豁豈其功自矜屈抑氣莫遏翻為霞  
上想撫琴應疏越靖難乃何名蕭牆佐劫奪何必學長  
生作事已乖刺只餘墨妙存寒齋共評跋

閔華

劉安昔好道世遺鴻烈篇權也慕茲術亦有繪事傳其

筆頗踈秀松檜方森然三湓彭蠡水九疊匡廬煙乃知  
落墨時不在移藩前林間着精廬有客真臞仙骨相常  
人殊巾袂何踈颯此秋景澹彷彿囊雲天惟王晚嗜  
學欲比間平賢將毋心中怨寄意琴上弦主人今畫師  
直追迂與顛以此懸素壁六法當差肩

張四科

鞍馬江都畫蛺蝶滕王圖摠以天潢貴筆墨留窳區偉  
哉明寧藩自稱列仙儒繪事亦精詣尺幅煙雲腴高峯  
散枝蔓古松含笙竽三間草堂小百疊流泉紆中有危  
坐人橫琴寄清娛自放囊中雲罷著肘後書寫此託遐

想宛游緱嶺隅我聞移封初怨望無時無忽作日蝕詩  
黃屋生覬覦晚節乃懼袖冲舉思仙都謚竊河間美驕  
寧淮南殊致令黃石磯故國終邱墟于今三百年匹紙  
秀不渝寒齋一展玩往事堪嗟吁

冬日小集行菴分詠

胡期恒得詩狂

落紙自翻々雲煙滿目前勢翻千尺浪思入九重天豪  
氣吞餘子高情邁謫仙驪珠竄先得萬口已爭傳

唐建中得詩律

劉又妄語兒膽大莫論詩節奏如調樂森嚴比出師別

才終少理野戰豈云奇老去偏能細唯應子美知

程夢星得詩囊

空囊何所有一字抵兼金欲藉邱遲錦收將李賀心行  
時尋斷句歸處足清吟骨董聊同滿放翁詩：成讀罷仍無用聊滿山家

骨董無勞事索簪

馬曰琯得詩壇

六義婉張韓人多側目看幾同望塵拜誰敢對盟寒談  
笑伸豪素風雲起舌端東南執牛耳不信是儒冠

汪玉樞得詩城

何處誇詩境吟成迥不同金墉生句裏錢甕峙篇中高

築緣思勁先登仗筆雄隨州傳五字屹之孰能攻

厲鶚得詩債

平生何所負多在苦吟間興為千篇嬾貧非一字慳逢  
花無處避見雪隔年還寄謝敲門者霜鬢撚未閒

方士庶得詩壁

苦吟誰疥壁隱約走龍蛇雨積因侵藓塵封不護紗愁  
心能寄托醉筆自歌斜繞柱閑哦處情深是憶家

王藻得詩材

欲擬凌雲構何煩獺祭勞元音徵二雅香草拾離騷類  
任紛綸聚辭須採擇高集裘兼釀蜜不易是宣毫

方士處得詩筒

盈尺詩筒便清吟為置郵封將千首麗寄與一時愁楚  
竹從裁截蠻箋任卷收湯勞魚共雁兩地得賡酬

馬曰璐得詩國

月地花天合河聲嶽影重探驪欣受采得雋限提封似  
楚稱疆服如齊笈附庸用東坡意好來恭佛界莫更判禪宗

陳章得詩將

策勲憑兔穎吟席擅風流正印曾傳杜偏師欲犯劉江  
山供夕戍煙月入春蒐別有麒麟閣真輕萬戶侯

閔華得詩仙

筆染三危露思成九轉丹偶教詩句出剩被世人看題  
處無年月吟時似鳳鸞空山值儔侶奇服切雲冠

陸鍾輝得詩瓢

八月翠壺剖殷勤檢舊吟腸枯託枵質丸撚納虛心入  
水流將去隨風送不沉山人姓誰識見此有知音

張四科得詩禪

不離文字外別有辯才天常向三乘入杜荀鶴詩常將  
二雅入三乘  
如持半偈堅悟能超色相妙豈落言筌若與論成佛應

居瘦島前

冬日田園雜興

程夢星

霜入千林落木空只餘松栝尚青葱是誰種下絳棉子  
留得溪南幾葉紅  
乘屋誅茅早禦寒矮墻繚徑盡教寬朝南獨闢窓三尺  
要放青山雪後看  
朝曦漸入草堂深卯酒三杯且自斟捲却蘆簾搔背坐  
老人猶有負暄心  
占年風俗久逾諳粉米成團酒滿甌笑逐鄉人求利市  
火盆燒罷照田蠶

馬曰琯

禾稼匆匆輸稅了布袍絮帽倚茅檐城中買得新官曆  
愛說明年是稔年  
健婦拋鋤糠貯火丈人棄甕土支床迎親忙了家翁事  
新婦新兒烏牯香  
竹掩梅藏自一村雞聲人語舊籬門西風雲淨月初上  
正照田家老瓦盆  
髡柳沿堤冷日斜粉書農具比隣詩幽風滿眼留題遍  
捭鼓聲々噪晚雅

厲鶚

稻堆高築似茅菴門外霜風淨遠嵐連歲冬春多不賤

殷勤回首語丁男  
黃獨初香撲甕清  
百錢布被暖平明  
渠儂笑向蓬頭婦  
不識冬心過一生  
村夫子已渡家江  
下學兒童樂未降  
急就新影字  
障寒恰與糊窓  
里正醪錢共賽神  
嚴宵無警俗還淳  
年終點檢街彈室  
不到倉中納穀人

王藻

去歲收成過十分  
今年又喜稼如雲  
太平風景從何見  
打稻歌聲月下聞

霜橘枝頭映日鮮  
摘來賣與買人船  
尚餘數顆教休採  
留取新年供佛前  
熙々婦子候柴扉  
樹杪彎橋正落暉  
送了租糧與田主  
大船載得小船歸  
臘鼓聲々度歲華  
尚餘忙事在村家  
纔分白酒封缸面  
又把黃茅蓋韭芽

方士處

終歲勤劬此暫閑  
坐看清景滿田間  
霜寒翠斂平疇麥  
雪霽青來繞屋山  
輸罷官租稻貯倉  
丁男漸長女初長  
東隣西舍紛簫鼓

贏得村々嫁娶忙  
風雪俄驚四九期望中  
踈柳暗前堤析薪不為樵  
蘇計更向沿河挿幾枝  
到眼風光取次催籬邊  
漏洩見寒梅草堂已有  
春消息不用騎驢折得  
來

馬曰璐

買得沙田四十雙  
薔薇港口近清江  
寒天落木蕭々裡  
已課沿溝挿柳椿  
兩々車乘殼觥輕  
田家窠要一冬晴  
林苗晒罷村醪熟  
翻愛糟床滴雨聲

白牯烏犍各認家  
夕陽歸路隱三叉  
柴門雪後看如畫  
牛背飛來數點鴉  
鑿井耕田舊典型  
青紅燈下語添丁  
他年聘取村夫子  
只讀天隨耒耜經

陳章

屏當連枷穀滿囷  
莫將豐樂忘艱辛  
團團曝背談興廢  
只有鋤頭不誤人

用文信國書中語

此日人牛相對閑  
寒林踈瘦映柴關  
黃雞白酒隨時足  
卧看西南懵懂山  
兒童下學惱比隣  
拋塙池塘日幾巡  
折得松梢當煗燼

又來呵殿學官人

黃菜溪橋村路長  
挫鍼負局客郎當  
草花插髻偎籬望  
知是誰家新嫁娘

閔華

清晨隣叟欸柴荆  
布襖胖肛咲出迎  
大好茅堂供客具  
餅如盃大見秋成  
共喜今年歲有儲  
南村兒子北邨姑  
春風未返河水合  
處、朱陳嫁娶圖  
驢背田翁傍晚回  
繞身兒女笑轟雷  
城中完納官租了  
帶得泥嬰面具來

家、釀酒不須酤  
自熟柴頭熟滿壺  
共慶冬來見三白  
頽教蝗子一時無

陸鍾輝

比戶歡呼是有年  
茅柴醉了便安眠  
布衾投曉繩床暖  
稻稈新鋪軟勝綿  
田中飢雀啄殘雪  
門外寒牛卧夕陽  
小白新春雲子白  
自燒松火飭炊香

茅屋雖低絕市囂  
斫來枯木疊成橋  
護隄預備春流漲  
更向溪邊插柳條

曉日烘晴山放青  
天河昨夜沒犁星  
田家無事慵朝起



凍損梅花供佛瓶

韓江雅集卷六

韓江雅集卷六終

